



18. august 2017

UKA 2017/54

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Ilagiinni ilaasortat kisimik akileraartalersillugit ilaqiinnut akileraarummik naapertuuttumik eqqussisoqarsinnaanersoq pillugu apeqquteqaat aallaavigalugu oqallinnissamik siunnersuut

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Upperneq upperisarlut inuit ataasiakkaat aalajangigassaraat. Nunatut aalajangersinnaasariaqanngilarput inuit suut upperissaneraat. Innuttaasut upperisassaminnik namminneq toqqaasinnaanerat ataqqillugu aammali Ilagiit inuiaqatigiinni pingaaruteqassusaat, Demokraatini kissaatigaarput oqallinneq manna.

Qularutissaanngilaq Ilagiit inuppassuarnut ikiuisarmat tuppallersaallunilu inuuneq artornarpallaaleraangat. Ilagiit katersuuffiuvoq aamma piffissap ingerlanerani kulturitsinnut ilaalernikuvoq. Aamma tamanna sulii periarfissaasariaqarpoq.

Apeqqut itisooq tassaavoq naapertuilluarnerunersoq kikkut tamarmik Ilagiinnut akileraartarnissaat. Ullumikkummi inuppassuaqarpoq allamik upperisaqartunik kristumiuunngitsunik aamma puigussanngilarput upperisaqanngitsorpassuit aamma akornatsinniimmata.

Ilagiit pisortatigoortumik nalliuttorsiornerannut peqataassagutta ilagiinni ilaasortaasariaqarpugut - ilagiit tamanna namminneq aalajangertarpaat. Tunngaviusumik naalagiernerup ilaanut peqataasoqarsinnaavoq, tamatumunngali pissutaavoq ilaatigut kikkut peqataanerisa nalunaarsorneqartannginnerat aammali pissutaavoq Ilagiit nalunaajaanissamut ilaasortaanngitsunik tikilluaqqusineq ajornerat. Ilaasortaanngikkaannili oqaluffimmi katittoqarsinnaanngilaq apersortittoqarsinnaananilu. Katittarnerli eqqarsaatigalugu naammappoq katittut aappaannaa ilagiinnut ilaasortaappat. Qitornarlu oqaluffimmi kuisinneqassappat pisariaqarpoq minnerpaamik angajoqqaat/paarsisut arlaata Ilagiinnut ilaasortaannissaat.

Ukiuumoortut aningaasanut inatsisissat aqutugalugit Ilagiinnut 50 millioner koruunit missaat aningaasaliissutigineqartarput. 2017-mut Aningaasanut Inatsissaq naapertorlugu akileraarnermut procentpoint ataaseq 88 millioner koruunit missaannik isertitsissutaasarpog. Tassa imaappog,



akileraartut tamarluinnarmik nuna tamakkerlugu akileraartikkut 0,6 procentimik Ilagiinnut akiliisarput.

Aningaasat taakku atorlugit Ilagiinnut ilaasortat oqaluffimmi ingerlanneqartartunut peqataasinnaapput akeqanngitsumik soorlu katittunut aamma ilisinernut. Tamatuma saniatikgut akileeqataaffigineqartarpoq kikkut tamarmik naalagiarsinnaatitaanerat aamma akileeqataaffigineqartarput Ilagiit inunnik isumaginninnerup iluani sullissinerat.

Demokraatini isumaqarpugut innuttaasut ilagiinni upperisanut ilaasortaaffiginngisaminnut akiliisarunnaarnissaminnut periarfissinneqarnissaat piffissanngortoq - aamma Ilagiit pineqartillugit. Taamaasillutik innuttaasut Ilagiinnut ullumikkut akileeqataasarput aamma qitornatik oqaluffimmi kuisissinnaanngikkaluarpataluunniit, angajoqqaat ilagiinnut ilaasortaanninnerat pissutigalugu.

Siusinnerusukkut oqaatigineqareersutut oqaluffitta ilarpassui oqaluttuarisaanikkut kulturikkullu kingornussatsinnut ilaalernikuupput eriagisariaqakkat. Tamanna tunngavigalugu isumaqanngilaq Ilagiit illuutaasa tamakkiisumik ilagiinnut akileraartut aqqutigalugu akilerneqartarnissaat. Periarfissaasinnaavoq pitsaasoq, Ilagiit Aningaasanut Inatsisikkut tunngaviummik tapiissummik tigusissalernissaat assersuutigalugu 15 millioner koruuninik, illut iliveqarfiillu aserfallattaalineqarnissaanut atugassanik - taava Ilagiit missingersuutaasa sinneri tamatuma kingorna pissarsiarineqarsinnaapput immikkut ilagiinnut akileraarummik 0,5 procentpointimik akiliisalernikkut, taamaallaat Ilagiinni oqaluffimmut akileraarummik akiliisartussanit akilerneqartartussanut, taannalu Ilagiinnut ilaasortaannermut taamaallaat attuumassuteqassaaq.

Isertitanut akileraartut qaffanneqassanngilaq ilagiinnut akileraartut nassataanik. Taamaattumik oqartoqarsinnaavoq innuttaasut Ilagiinnut ilaasortaanningsut akileraartarnikkut 0,5 procentpointimik oqilisaavigineqassasut.

Paarlattuanik ilisimaneqassaaq pisinnaatitaaffiit ilaannik piaasoqassammat Ilagiinnut ilaasortaanningsut taamalu ilagiinnut akiliineq ajortunut. Pisinnaatitaaffiit piiarneqartussat tassaasinnaapput oqaluffimmi ingerlanneqartartut soorlu kuisinneq, katinneq, ilisineq aamma apersortinneq.

Demokraatini isumaqarpugut pingaaruteqartoq innuttaasut ataasiakkaat Ilagiinnut akileraartarnissaminnut periarfissaqartinnissaat, tassunga ilaasortaappata. Paarlattuanik Demokraatini isumaqarpugut, innuttaasut Ilagiinnut nammineq piumassutsiminnik ilaasortaarusunngitsut ingerlatanut akiliisassanngitsut, peqataaffigisinnaanngisaminnut. Peqataanilli nunami oqaluffiit kulturikkut kingornussaaneq ataqqillugu ingerlassapput, tassa oqaluttuarisaanikkut kulturikkullu kingornussaaneq pissutigalugu oqaluffiit suliamut tassunga



atungassanik aningaasanut inatsimmit toqqaannartumik tapiiffigineqartassapput.

Oqallittoqarluarnissaanut qilanaarpunga aamma partiit tamarmik Naalakkersuisullu saqqummiussassaannut.